



## ЖАРИЯЛАУ ЭТИКАСЫ

«Қазақстанның биологиялық ғылымдары» журналының редакциялық саясаты жарияланым этикасы жөніндегі комитет (Committee on Publication Ethics: COPE: <https://publicationethics.org/>) журналдарының редакторларына арналған ғылыми жарияланымдар этикасы қағидаттары жөніндегі нұсқаулықта жазылған ғылыми мерзімді басылымдардың дәстүрлі этикалық қағидаттарына бағдарланады.

### Редактордың міндеттері мен құқықтары:

- техникалық талаптарға сәйкестігі бойынша бастапқы іріктеуден өткен әрбір келіп түскен мақалаға рецензенттерді анықтайды,
- редакциялық алқа отырысында рецензенттердің пікірлері негізінде түскен материалды жариялау/қабылдау туралы түпкілікті шешім қабылдайды.

Өз шешімінде бас редактор тек ғылыми ойларды және баспа стандарттарына сәйкестікті басшылыққа алады. Бас редактордың және редакциялық алқаның шешімі автордың/авторлық ұжымның жынысына, ұлтына, дініне және басқа да жеке қасиеттеріне байланысты болмауы тиіс.

### Рецензенттердің міндеттері мен құқықтары:

Рецензиялауға түскен әрбір қолжазба құпия құжат ретінде қарастырылады. Рецензент өз жарияланымдарында рецензиялауға жіберілген қолжазбадағы материалдарды пайдалана алмайды. Рецензент материалды үшінші тұлғаларға тек бас редактордың рұқсатымен ғана жібере алады,

Басылымның рецензиялау саясатына сәйкес журналда біржақты "соқыр" рецензиялау рәсімі қолданылады. Рецензиялау объектісі автор/авторлық ұжым емес, алынған зерттеулердің нәтижелері болуы тиіс. Сараптамалық қорытынды автордың/авторлық ұжымның жынысына, ұлтына, дініне және басқа да жеке қасиеттеріне байланысты болмауы тиіс,

Рецензент редакцияға жұмыстың объективті бағасын ұсынуы керек, қажет болған жағдайда жіберілген материалды жақсарту нұсқаларын ұсынуы керек.

Егер рецензент материал тақырыбы бойынша маман болмаса, материалды рецензиялаудан бас тартуы керек, егер ол мүдделер қақтығысын анықтаса, редакцияны хабардар етеді.

### Авторлар үшін:

Мақалаларды редакцияға жіберу және көпшілік офертасына қол қою, жіберілген мақаланы «Қазақстанның биологиялық ғылымдары» журналында жариялау ешкімнің авторлық құқығын бұзбайтынын білдіреді. Автор (авторлар) журналдың Интернет-сайтында нөмірлердің толық мәтінді желілік нұсқаларын орналастыру арқылы ғылыми мақаланы пайдалануға айрықша емес құқықтарды журналдың құрылтайшысына шектеусіз мерзімге береді.

Автор (авторлар) ғылыми мақалада зияткерлік меншік объектілерін, авторлық құқық объектілерін Қазақстан Республикасының қолданыстағы заңнамасына сәйкес толық көлемде заңсыз пайдаланғаны үшін жауапты болады.